

**KOMORA AGENCIJA I UNUTRAŠNJIH
SLUŽBI ZA ZAŠTITU LJUDI I IMOVINE**

Ul. Tina Ujevića br. 1, Sarajevo

Datum: 10.05.2017. godine

ZAPISNIK

sa radnog sastanka Komore agencija i unutrašnjih službi za zaštitu ljudi i imovine i predstavnika Ministarstva unutrašnjih poslova Tuzlanskog kantona

Radni sastanak je održan u srijedu 10.05.2017. godine sa početkom u 11:00 sati u prostorijama Ministarstva unutrašnjih poslova Tuzlanskog kantona, ul. Turalibegova bb, u Tuzli.

Ispred Ministarstva unutrašnjih poslova sastanku su prisustvovali sljedeći učesnici:

- Husein Topčagić, ministar unutrašnjih poslova Tuzlanskog kantona;
- Kemal Suljkić, načelnik Odjeljenja za koordinaciju i usmjeravanje;
- Edina Garčević, načelnik Sektora za upravno-pravne i kadrovske poslove MUP-a TK;
- Jasmina Đulović, načelnik Odjeljenja za upravno-pravne i kadrovske poslove MUP-a TK;
- Enes Murić, stručni savjetnik za nadzor i upravno rješavanje u drugom stepenu MUP-a TK.

Ispred Komore agencija i unutrašnjih službi za zaštitu ljudi i imovine sastanku su prisustvovali sljedeći predstavnici:

- Malik Krivić, predsjednik Upravnog odbora;
- Fahrudin Zeljković predsjednik Skupštine;
- Mensud Cibra, član Upravnog odbora;
- Amir Omerdić, predstavnik Sector Security-a;
- Muhamed Memišević, predstavnik BH Sigurnosti;
- Mehmed Kulo, predstavnik BH Sigurnosti;
- Hajrudin Halilčević, predstavnik Sheriff Security-a
- Amel Iširlija, predstavnik Fitob-a;
- Eldin Hadžić, predstavnik A&M Security-a;
- Nihad Mulaosmanović, predstavnik Cobra Security-a;
- Elvir Šahović, predstavnik Cobra Security-a;
- Amir Mehić, predstavnik Flek Security-a;
- Jasmin Delić, predstavnik Protection BiH;
- Asim Pirić, predstavnik Soko Security-a
- Amra Hadžiabdić, sekretar Komore.

Sastanak je otvorio Kemal Suljkić, pozdravio prisutne i pozvao ministra Huseina Topčagića da se obrati prisutnima. Ministar unutrašnjih poslova TK Husein Topčagić, u svom izlaganju je pozdravio prisutne, poželio dobrodošlicu i zahvalio se na posjeti. Istakao je spremnost i otvorenost Ministarstva unutrašnjih poslova Tuzlanskog kantona za unapređenje postojeće saradnje sa Komorom i Agencijama za zaštitu ljudi i imovine, ističući da MUP-a TK stoji na raspolaganju i da samo zajedničkim snagama mogu još bolje sarađivati na zadovoljstvo svih građana. Također je naglasio da je u postupku konkursna procedura za radno mjesto Inspektora za vršenje nadzora nad provođenjem Zakona o agencijama i unutrašnjim službama FBiH koje će u mnogome poboljšati postojeću saradnju MUP-a TK sa Agencijama za zaštitu ljudi i imovine i sa Komorom. Nakon Ministrovog izlaganja Kemal Suljkić je dao riječ predstavnicima Komore.

U tom pogledu Malik Krivić je pozdravio prisutne, zahvalio se na podršci i izdvojenom vremenu kantonalnog ministra unutrašnjih poslova i njegovih saradnika za održavanje sastanka. U svom izlaganju Malik Krivić je iznio programske ciljeve Komore, naglašavajući

da pored odlične saradnje Agencija i Kantonalnog ministarstva unutrašnjih poslova, Komora želi poboljšati tu saradnju i izdici je na veći nivo. Iznio je značajan podatak da Komora u svom sastavu broji 31 članicu, također je istakao da su Agencije za zaštitu ljudi i imovine na području TK-a značajan faktor sigurnosti i iznio podatak da u službi zaštite ljudi i imovine na tom području radi cca. 850 zaštitara, kao i da je 270 objekata na području Tuzlanskog kantona pod fizičkom zaštitom te oko 3690 objekta pod tehničkom zaštitom Agencija za zaštitu ljudi i imovine na području Tuzlanskog kantona. Naglasio je da je ovo drugi sastanak Komore sa predstavnicima KMUP-a na području FBiH-e, obzirom da je Komora svoj prvi radni sastanak održala sa MUP-om Kantona Sarajevo. Istakao je da Komora ima potpunu podršku od strane FMUP-a kao i podatak da su predstavnici Komore članovi radnih grupa Vlade FBiH-e u izradi Zakona koji se odnose na sigurnost i zaštitu ljudi i imovine, što je dovoljan pokazateљ davanju značaja Komori. Pozdravio je inicijativu za uspostavljanje Inspektorata za vršenje nadzora nad provođenjem Zakona o agencijama i unutrašnjih službi za zaštitu ljudi i imovine pri MUP-u TK, smatrajući da će se uspostavom Inspektorata postići bolja međusobna kolegijalnost između MUP-a TK i Agencija za zaštitu ljudi i imovine na području TK-a, kao i spremnost članica Komore na saradnju i zajedničko ostvarivanje ciljeva u osiguranju poslova zaštite ljudi i imovine na području TK-a. Također je istakao da bi volio da ovaj prvi radni sastanak sa MUP-om TK bude uvertira za sastanke i sa komandirima Policijskih uprava na području TK-a. U svom završnom izlaganju je zamolio predstavnike Komore da se pojedinačno predstave.

U daljem izlaganju prisutnim se obratio predstavnik Flek Security-a Amir Mehić koji je također pohvalio i pozdravio inicijativu za uspostavljanje Inspektorata pri MUP-u TK i istaknuo da je saradnja dobra ali da bi se mogla još poboljšati. Sugerisao je na pojedinačne istupe službenika MUP-a na terenu da se dešavaju neki manji problemi a sve zbog neupućenosti policajaca u ovlaštenja koja imaju zaštitari u skladu sa Zakonom. Pohvalio je da je najbolja saradnja sa policijskim organima u Brčko Distriktu i poželio da se saradnja sa MUP-om TK izdigne na jedan veći nivo i da bi se ostvarila ravnopravna kolegijalnost a sve u cilju obezbeđenja zaštite ljudi i imovine.

U predstavljanju Komore obratio se i Mehmed Kulo, predstavnik Agencije BH Sigurnost i iznio problem koje Agencije imaju u pogledu nelegalnog postavljanja video nadzora a samim time vrši se i zloupotreba ličnih podataka. Također je skrenuo pažnju da se u određenim firmama u ulozi zaštitara pojavljuju osobe koje nisu certificirane i samim time nisu ovlaštene upotrijebiti ovlaštenja koja su zakonom propisana i zamolio da se u tom pogledu uspostavi bolja kontrola na terenu iz razloga da se spriječi nelegalan rad tih lica koja nisu stručno osposobljena da bi obavljala poslove zaštite ljudi i imovine.

Kemal Suljkić, načelnik Odjeljenja za koordinaciju i usmjeravanje se ispred Ministarstva unutrašnjih poslova Tuzlanskog kantona obratio učesnicima sastanka i naglasio da je saradnja MUP-a i Agencija korektna, ali da uvijek može biti bolja. U pogledu određenih problema i manjkavosti za nelegalan rad, po njegovom mišljenju Komora bi trebala poduzimati prijedloze za izmjene postojećog Zakona da bi se suzbio nelegalan rad na tim poslovima. U diskusiju oko toga se uključio i Malik Krivić i istaknuo da je Zakon propisao da Inspektor u pogledu nelegalnog postavljanja video nadzora i drugih nelegalnih radnji u tom segmentu može rješenjem narediti da se skine video nadzor ako isti nije postavljen u skladu sa Zakonom i zakonskim odredbama. Također je zamolio da se organizuju sastanci sa ciljem informisanja policajaca u pogledu ovlaštenja koja zaštitari imaju da bi se saradnja proširila, jer su i zaštitari produžena ruka policajaca. U pogledu organizovanja sastanaka na temu upoznavanja policajaca sa ovlaštenjima zaštitara predstavnik MUP-a Kemal Suljkić je istakao da će MUP-a TK kroz sastanke sa komandirima policijskih stanica nastojati da se policijski službenici malo bolje upoznaju sa ovlaštenjima zaštitara, a sve radi osiguranja sigurnosti u društvu. U svom izlaganju je obratio pozornost Agencijama i na ovlaštenja zaštitara u obavljanju poslova zaštite ljudi i imovine jer postoje primjedbe i žalbe na rad zaštitara na terenu, sugerisao je da i zaštitari trebaju upotrebljavati svoja ovlaštenja u skladu sa

propisanim zakonskim odredbama. Također je skrenuo pažnju na nošenje oružja van radnog mjesto i zamolio da se povede računa u pogledu toga da zaštitari na javnom mjestu ne bi trebali nositi oružje, osim ako nije u pitanju neka intervencija u obavljanju poslova zaštite ljudi i imovine. Istakao je da se samo zajedničkom saradnjom i radom MUP-a i Agencija za zaštitu ljudi i imovine mogu otkloniti nedostaci i poboljšati mjere sigurnosti na terenu. Pohvalio je i rad Agencija u pogledu slanja obaveštenja prema policiji kad se obavljaju poslovi premještanja oružja u obavljanju redovnih poslovnih aktivnosti Agencija. U daljem izlaganju je prepustio riješ svojim saradnicima. Prisutnim se obratila Edina Garčević načelnik Sektora za upravno-pravne i kadrovske poslove i istakla da u administrativnim poslovima u radu sa Agencijama nema nekih posebnih zamjeri, saradnja je izuzetno korektna. Riječ je prepustila svom kolegi Enesu Muriću koji je iznio određene činjenice i saznanja u pogledu obavljanja poslova zaštite ljudi i imovine. Istakao je da vlada veliko interesovanje pravnih i fizičkih lica za osnivanje novih Agencija za obavljanje poslova zaštite ljudi i imovine na području TK. Također je istakao da u velikoj mjeri vlada zainteresovanost i fizičkih lica za dobivanje certifikata za obavljanje fizičke zaštite što će imati za posljedicu i otvaranje novih radnih mesta. U pogledu iznošenja informacija u pogledu problema koji se javljaju u obavljanju poslova je istakao da se manji problemi javljaju oko vraćanja službenih iskaznica i neprijavljivanja promjena o statusu u Agencijama i skrenuo pažnju da se svaka promjena oko statusa Agencije mora prijaviti u određenom zakonskom roku radi evidentiranja tih promjena. U pogledu periodičnih provjera sposobnosti rukovanja oružjem i psihofizičke i zdravstvene sposobnosti podsjetio je da su Agencije dužne da dostavljaju izvještaje MUP-a redovno. Prisutnim se obratila i Jasmina Đulović načelnik Odjeljenja za upravno-pravne i kadrovske poslove MUP-a TK i ukazala da u potpunosti nije izvršena zamjena službenih iskaznica a što je u skladu sa propisanim zakonskim odredbama.

Predstavnici Komore su iznijeli problem oko štampanja i popunjavanja službenih iskaznica i zamolili da se taj problem pokuša riješiti jer se dešava da se imena na službenim iskaznicama slabo vide a što dovodi do problema prilikom ovjeravanja kopija za prijave na tendere. U pogledu donošenja rješenja za upućivanje na obuku predstavnici Komore su zamolili ako je moguće da se taj proces ubrza da bi se blagovremeno moglo izvršiti prijave na konkurse za zaštitare. Iz MUP-a su rekli da su i oni ograničeni raznim provjerama tih lica za koja se traže upute i da će u svojim okvirima mogućnosti pokušati taj dio problema riješiti.

U završnom izlaganju prisutnim se obratio Kemal Suljkić ispred Ministarstva unutrašnjih poslova TK, zahvalio se prisutnim na sastanku i istakao da će se u narednom periodu kroz aktivnosti Ministarstva unutrašnjih poslova TK problemi i nedostaci koji su na ovom sastanku izneseni pokušati riješiti da bi se na najbolji mogući način poboljšala saradnja i da MUP-a stoji na raspolaganju Agencijama za sva pitanja koja se tiču obavljanja poslova zaštite ljudi i imovine.

Ispred Komore za završnu riječ se obratio Malik Krivić i zahvalio se na ukazanom povjerenju i razumjevanju za održavanje sastanka i da se u zaključak sastanka uvrsti da se u narednom periodu organizuju sastanci sa komandirima i načelnicima Policijskih uprava da bi se saradnja proširila, a i da Agencije obezbjede blagovremeno vraćanje službenih iskaznica u skladu sa zakonskim odredbama. U svom izlaganju je još jednom izrazio punu spremnost Komore agencija i unutrašnjih službi za zaštitu ljudi i imovine za razvijanje još bolje saradnje i stvaranja boljeg i potpunijeg sigurnosnog ambijenta u cjelokupnom društvu.

Načelnik Odjeljenja
za koordinaciju i usmjeravanje

Kemal Suljkić

Zapisničar

Amra Hadžabdić

Predsjednik Upravnog odbora

Malik Krivić